

সমকাল

রাজশাহীতে আ'লীগের বিভাগীয় প্রতিনিধি সভা

ছাত্র রাজনীতি বন্ধের পক্ষে নয় সরকার :ওবায়দুল কাদের

১০ ঘণ্টা আগে

রাজশাহী ব্যুরো



আওয়ামী লীগের সাধারণ সম্পাদক সেতুমন্ত্রী ওবায়দুল কাদের বলেছেন, সরকার ছাত্ররাজনীতি বন্ধের পক্ষে নয়। ছাত্র রাজনীতির কোন দোষ নাই। রাজনীতিবিদদের অধিকাংশেরই হাতেখড়ি ছাত্র রাজনীতি থেকে। মাথাব্যথা হলে মাথা কেটে ফেলা কোনো সমাধান নয়। ছাত্র রাজনীতির নামে যারা অপকর্ম করবে তাদের আইনের আওতায় আনা হবে।

গতকাল রোববার দুপুরে রাজশাহী সার্কিট হাউজে সাংবাদিকদের সঙ্গে মতবিনিময়কালে এক প্রশ্নের জবাবে তিনি এসব কথা বলেন। এক প্রশ্নের জবাবে তিনি বলেন, যুবলীগে যাদের বিরুদ্ধে অভিযোগ আছে তারা সবাই নজরদারীতে আছে। যুবলীগ চেয়ারম্যানের বিরুদ্ধে অভিযোগ আছে কি-না সেটা পরে জানতে পারবেন।

পরে রাজশাহী শিল্প কলা একাডেমি মিলনায়তনে আওয়ামী লীগের রাজশাহী বিভাগীয় প্রতিনিধি সভায় প্রধান অতিথির বক্তব্য দেন ওবায়দুল কাদের। এ সময় তিনি বলেন, শুদ্ধি অভিযান শুধু ঢাকা শহরে সীমাবদ্ধ নয়। এটি সারাদেশে চলবে। প্রধানমন্ত্রী শেখ হাসিনা নিজ দলের অভ্যন্তরে শুদ্ধি অভিযান শুরু করেছেন। তিনিই একমাত্র এই সংসদে দেখাতে পেরেছেন। অন্য কোন সরকার এরকম সংসদ

